



金光明懺齋天科儀

行者、初入道場、至壇拈香、歸位敷具。維那。鳴引磬。眾同頂禮三拜舉讚。

瑤天玉露。覺海金波。大千沙界灑芬陀。三
昧滌塵疴。少水成多。一滴淨山河。

南無清涼地菩薩摩訶薩。

三稱 同眾念云。首者持淨水。

南無大悲觀世音菩薩。

三稱 首者白云

菩薩柳頭甘露水。能令一滴徧十方。
腥膻垢穢盡蠲除。令此壇場悉清淨。

教有密言謹當持誦

持大悲咒遶壇三匝 歸位咒畢舉

大悲咒

南無喝囉怛那哆囉夜耶 南無阿唎耶 娑盧羯帝爍鉢囉耶
菩提薩埵婆耶 摩訶薩埵婆耶 摩訶迦盧尼迦耶 唵 薩
囉罰曳 數怛那寫 南無悉吉唵埵伊蒙阿唎耶 娑盧吉帝
室佛囉楞馱婆 南無那囉謹墀 醯唎摩訶皤哆沙咩 薩婆阿
他豆輸朋 阿逝孕 薩婆薩哆那摩婆薩多 那摩婆伽 摩訶
特豆 怛姪他 唵 阿婆盧醯 盧迦帝 迦羅帝 夷醯唎
摩訶菩提薩埵 薩婆薩婆 摩囉摩囉 摩醯摩醯唎馱孕 俱
盧俱盧羯蒙 度盧度盧罰闍耶帝 摩訶罰闍耶帝 陀囉陀囉
地唎尼 室佛囉耶 遮囉遮囉 麼麼罰摩囉 穆帝隸 伊

醯伊醯 室那室那 阿囉嚩佛囉舍利 罰娑罰嚩 佛囉舍耶
呼盧呼盧摩囉 呼盧呼盧醯利 娑囉娑囉 悉唎悉唎 蘇
嚩蘇嚩 菩提夜菩提夜 菩馱夜菩馱夜 彌帝利夜 那囉謹
墀 地利瑟尼那 婆夜摩那 娑婆訶 悉陀夜 娑婆訶 摩
訶悉陀夜 娑婆訶 悉陀喻藝 室幡囉耶 娑婆訶 那囉謹
墀 娑婆訶 摩囉那囉 娑婆訶 悉囉僧阿穆佉耶 娑婆訶
娑婆摩訶阿悉陀夜 娑婆訶 者吉囉阿悉陀夜 娑婆訶

波陀摩羯悉陀夜 娑婆訶 那囉謹墀幡伽囉耶 娑婆訶 摩
婆利勝羯囉夜 娑婆訶 南無喝囉怛那哆囉夜耶 南無阿利
耶 娑嚩吉帝 爍幡囉耶 娑婆訶 唵 悉殿都 漫多囉
跋陀耶 娑婆訶

南無甘露王菩薩摩訶薩 三稱 首者舉

一切恭敬 首者鳴磬、眾上香、執爐、作梵、眾和。

一心頂禮十方常住三寶 觀云 能禮所禮性空 寂云云 首者白云

是諸眾等。各各胡跪。嚴持香華。如法供養。

願此香華雲。徧滿十方界。供養一切佛。尊法諸菩薩。聲聞緣覺眾。及一切天仙。受用

作佛事。 首者云

供養已一切恭敬 拜起 首者鳴擊磬、眾執爐上香唱云。

香華迎 香華請

一心奉請。南無本師釋迦文佛。東方阿閼四佛世尊。寶華琉璃。寶勝佛等。盡金光明經中。及十方三世一切諸佛。

鞠躬低頭觀云 我三業性如虛空釋迦如來亦如是 不起實際為眾生與眾俱來受供養。後菩薩隨改

佛寶讚無窮。功成無量劫中。巍巍丈六紫金容。覺道雪山峯。眉際玉毫光燦爛。照開六道昏蒙。龍華三會願相逢。演說法真宗。

香華迎 香華請

一心奉請。南無大乘金光明海。十二部經。

觀云 法性如空不可見常住法寶難思議我今三業如法請惟願顯現受供養

法寶實難量。如來金口宣揚。龍宮海藏散天香。覺者誦琅瑯。玉軸霞條金寫字。似排

秋雁成行。昔因三藏取來唐。萬古為敷揚。

香華迎 香華請

一心奉請。南無信相菩薩。金光明菩薩。金藏菩薩。常悲法上盡金光明經內。及十方

三世一切菩薩。聲聞緣覺。賢聖僧。

已上三請畢起身禮拜
已下三請者只站立

僧寶不思議。身披三事雲衣。浮杯渡海刹。那時。赴感應羣機。堪作人天功德主。堅持戒行無為。我今稽首願遙知。振錫杖提攜。

香華迎 香華請

一心奉請。南無大梵尊天。三十三天。護世

四王。金剛密迹。散脂大將。大辯天神。訶梨

帝喃。鬼子母等五百眷屬。一切皆是大菩

薩等。及此國內。名山大川。一切靈廟。某州

某縣地分屬內鬼神。此所住處。護伽藍神。

守正法者。一切聖眾。三請只問訊
不應禮拜

三寶廣無邊。僧祇萬德功圓。六年苦行證

金仙。說法利人天。放光現瑞週沙界。天龍

八部同瞻。千賢萬聖會祇園。結集永流傳。

香華迎 香華請

一心奉請。南無第一威德。成就眾事大功

德天。

行者應念此菩薩即是道場法門之主當殷勤三請希望來降至請已各放香爐
即便胡跪合掌誦持善女天咒或三或七遍或多遍此咒正是召命天女及其徒

屬切在精專一心致請必望下
降果尅所求令不虛爾 咒畢

善女天咒

南無佛陀 南無達摩 南無僧伽 南無室利 摩訶提鼻耶

但你也他 波利富樓那 遮利三曼陀 達舍尼 摩訶毗訶羅

伽帝 三曼陀 毗尼伽帝 摩訶迦利野 波彌波囉 波彌

薩利嚩栗他 三曼陀 修鉢黎帝 富隸那 阿利那 達摩帝

摩訶毗鼓畢帝 摩訶彌勒帝 婁簸僧祇帝 醯帝徒 僧祇

醯帝 三曼陀 阿他阿菴 婆羅尼

舉讚

光明會上。護法諸天。日月星斗耀人間。持

國賜安然。保佑心虔。福壽永綿綿。

南無增福壽菩薩摩訶薩 三稱畢 佛事
長稍歇一刻

再舉香讚

爐香乍爇。法界蒙熏。諸佛海會悉遙聞。隨

處結祥雲。誠意方慳。諸佛現全身。

南無香雲蓋菩薩摩訶薩 三稱

南無本師釋迦牟尼佛 三稱

無上甚深微妙法。百千萬劫難遭遇。

我今見聞得受持。願解如來真實義。

南無大乘金光明經空品

無量餘經。已廣說空。是故此中。

略而解說。眾生根鈍。尠於智慧。

不能廣知。無量空義。故此尊經。

略而說之。異妙方便。種種因緣。

為鈍根故。起大悲心。我今演說。

此妙經典。如我所解。知眾生意。

是身虛偽。猶如空聚。六入村落。

結賊所止。一切自住。各不相知。

眼根受色。耳分別聲。鼻嗅諸香。

舌嗜於味。所有身根。貪受諸觸。

意根分別。一切諸法。六情諸根。

各各自緣。諸塵境界。不行他緣。

心如幻化。馳騁六情。而常妄想。

分別諸法。猶如世人。馳走空聚。

六賊所害。愚不知避。心常依止。

六根境界。各各自知。所伺之處。

隨行色聲。香味觸法。心處六情。

如鳥投網。其心在在。常處諸根。

隨逐諸塵。無有暫捨。身空虛偽。

不可長養。無有諍訟。亦無正主。
 從諸因緣。和合而有。無有堅實。
 妄想故起。業力機關。假偽空聚。
 地水火風。合集成立。隨時增減。
 共相殘害。猶如四蛇。同處一篋。
 四大虬蛇。其性各異。二上二下。
 諸方亦二。如是蛇大。悉滅無餘。
 地水二蛇。其性沉下。風火二蛇。
 性輕上升。心識二性。躁動不停。
 隨業受報。人天諸趣。隨所作業。
 而墮諸有。水火風種。散滅壞時。
 大小不淨。盈流於外。體生諸蟲。
 無可愛樂。捐棄塚間。如朽敗木。
 善女當觀。諸法如是。何處有人。
 及以眾生。本性空寂。無明故有。
 如是諸大。一一不實。本自不生。
 性無和合。以是因緣。我說諸大。
 從本不實。和合而有。無明體相。
 本自不有。妄想因緣。和合而有。
 無所有故。假名無明。是故我說。
 名曰無明。行識名色。六入觸受。
 愛取有生。老死愁惱。眾苦行業。
 不可思議。生死無際。輪轉不息。
 本無有生。亦無和合。不善思惟。
 心行所造。我斷一切。諸見纏等。
 以智慧刀。裂煩惱網。五陰舍宅。
 觀悉空寂。證無上道。微妙功德。
 開甘露門。示甘露器。入甘露城。
 處甘露室。令諸眾生。食甘露味。
 吹大法螺。擊大法鼓。然大法炬。

雨勝法雨。我今摧伏。一切怨結。
豎立第一。微妙法幢。度諸眾生。
於生死海。永斷三惡。無量苦惱。
煩惱熾伏。燒諸眾生。無有救護。
無所依止。我以甘露。清涼美味。
充足是輩。今離焦熱。於無量劫。
遵修諸行。供養恭敬。諸佛世尊。
堅固修習。菩提之道。求於如來。
真實法身。捨諸所重。肢節手足。
頭目髓腦。所愛妻子。錢財珍寶。
真珠纓絡。金銀琉璃。種種異物。
歡喜施之。心無悔悋。觀法性空。
是無上智。

行者既咨請竟決定想一切三寶及諸天仙悉集道場如對目前即目了知身口意業充滿法界面對法座稱讚三寶微妙功德口自宣偈讚歎曰

南無寶華琉璃佛

三稱

佛面猶如淨滿月。亦如千日放光明。
目淨修廣若青蓮。齒白齊密猶珂雪。

佛德無邊如大海。無限妙寶積其中。

智慧德水鎮常盈。百千勝定咸充滿。
足下輪相皆嚴飾。轂輞千幅悉齊平。

手足縵網徧莊嚴。猶如鷲王相具足。
佛身光耀等金山。清淨殊特無倫匹。

亦如妙高功德滿。故我稽首佛山王。

相好如空不可測。逾於千月放光明。
皆如焰幻不思議。故我稽首心無著。

香讚

旃檀海岸。爐爇名香。耶輸子母兩無殃。火

內得清涼。至心今將。一炷徧十方。

南無香雲蓋菩薩摩訶薩

三稱

南無靈山會上佛菩薩

三稱

南無佛。南無法。南無僧。南無本師釋迦牟尼佛。
南無四方四佛。南無寶華琉璃佛。南

無大乘金光明經。南無信相菩薩。南無金
光明菩薩。南無金藏菩薩。南無常悲菩薩。
南無法上菩薩。南無第一威德成就眾事
大功德天。南無護法諸天菩薩。南無伽藍
聖眾菩薩。南無歷代祖師菩薩。三稱

變食真言 三遍

南無薩嚩怛他誑哆 嚩嚩枳帝 唵 三跋囉 三跋囉 吽

甘露水真言 三遍

南無蘇嚩婆耶 怛他誑多耶 怛姪他 唵 蘇嚩蘇嚩 鉢囉
囉蘇嚩 娑婆訶

南無大乘常住三寶 三稱 此處宣疏

虔誠獻香花。智慧燈紅焰交加。淨餅楊柳
灑堪誇。橄欖共枇杷。蒙山雀舌茶奉獻。酥
酪普供養釋迦。百寶明珠獻菩薩。衣獻法
王家。

南無普供養菩薩摩訶薩。 三稱 畢當合掌低頭鞠躬平聲念云

南無寶華琉璃佛。南無金光明經。南無第
一威德成就眾事大功德天。 如是三稱已次虔
奉供養首者白云

今我道場。敷設供養。然種種燈。燒種種香。
奉種種飲食。淨潔如法。恭持奉供。諸佛世
尊。大乘經典。菩薩聖賢。一切三寶。又復別
具香華飲食。奉獻功德大天。大辯四王。梵
釋天龍。八部聖眾。復於飲食。散擲餘方。施
諸神等。唯願三寶天仙。憐愍於我。及諸眾
生。受此供養。以金光明力。及諸佛威神。於
一念間。顯現十方一切佛刹。如雲徧滿。如
雨溥洽。廣作佛事。等熏眾生。發菩提心。同
圓種智。

作是語已眾持前咒首者當持飲食菓
酥等至道場外淨處咒停先作是言

我今依教。供養大乘三寶。及吉祥大天。持
此種種飲食。散灑諸方。徧施諸神。願諸神
明。威權自在。一念普集。各受法食。充足無

乏。身力勇銳。守護堅強。知我所求。願當相與。迴此福利。普潤含生。果報自然。常受勝

樂。

作是咒願竟即便以飲食散擲四方想無量鬼神悉來受食爾時誦前咒但云。南無室利摩訶提鼻耶以食為度散灑既竟還至道場

汝等地祇天官眾。我今施汝供。此食徧十方。一切

天官

共。願以此功德。普及於一切。施食與

皆共成佛道。

當邊壇誦楞嚴咒。回向念供天功德殊勝行云云

讚

讚

當邊壇誦楞嚴咒。回向念供天功德殊勝行云云

佛慈廣大。感應無差。寂光三昧徧河沙。願

示離伽耶。降福齋家。金地湧蓮華。

南無登雲路菩薩摩訶薩

三稱

三皈依

自歸依佛。當願眾生。體解大道。發無上心。

自歸依法。當願眾生。深入經藏。智慧如海。

自歸依僧。當願眾生。統理大眾。一切無礙。

和南聖眾。

回向偈

齋持天功德殊勝行。無邊勝福皆回向。

普願沉溺諸眾生。速往無量光佛刹。

十方三世一切佛。諸尊菩薩摩訶薩。

摩訶般若波羅密。

南無護法韋馱尊天菩薩

